

Sra. Madeline Doulabi-Ridderstap:

Fundacion Telefon pa Hubentud mester recluta mas boluntario



muchanan, unda cu casi 3.200 yamada a drenta den un aña y pico", sra. Doulabi-Ridderstap a bisa.

SIGUIENTE CURSO PA BOLUNTARIO:

E siguiente curso pa recluta boluntarionan ta bay ta maart of april. Esaki ta un curso corto di un siman, mirando e necesidad grandi cu e fundacion tin pa haya mas boluntario.

Sra. Doulabi a splica cu hopi biaha ta mas facil pa boluntarionan despues di tanto tempo trahando tuma un pause, y ta pesey semper ta bon pa bo keda recluta.

"Actualmente tin mas of menos 15 boluntario, y tin espacio pa mas hende cu kier bira boluntario. E idea ta pa na mei nos cuminza cu un curso mas amplio di seis siman, dos bez pa siman, y pesey nos no tin un cantidad di hende limita. Tur hende cu yama nos ta skirbi nan nomber, nos ta haci un screening pa wak si nan por haci e curso.

Aworaki nos tin un necesidad grandi y pesey nos ta bin cu un curso cortico. Lo tin guia pa e boluntarionan na trabao door di mi persona. Es decir, mi ta bay guia e personanan cu ta bay ta tras di telefon y na mei nan ta haya un curso mas amplio. E cursonan aki ta completamente gratis", Madeline a comenta.

META DI TELEFON PA HUBENTUD:

Telefon pa Hubentud su metanan principal ta pa duna sosten, apoyo moral, informacion y conseho via telefon, pues no den forma personal, na hoben y mucha entre edad di 8 pa 18 aña.

Specialmente pa preveni y disminui e problema di e hoben of e mucha cu e tin individualmente of dentro di su contexto familiar.

"Door cu nos tin un forma di registra e problema cu hoben y mucha ta haya nan mes confronta, nos tin un funcion pa señala e problemanan cu tin, pa habri bista di instancianan y tambe di gobierno kico ta e problemanan cu nos hobennan ta pasa aden. Mirando e vamadanan cu nos

ta haya, 3.200 den un aña y tres luna, nos ta mira cu e hobennan tin hopi necesidad di expresa nan mes.

Cerca nos, e derecho di hoben y mucha ta keda central.

Nos ta duna oido na cada hoben y mucha cu yama, sin huzga ni cuestiona nan, pa nan haya un alivio pa nan problema y nos ta stimula nan pa nan expresa nan mes y trece claridad den nan problemanan.

Door cu bo ta scucha ya caba e mucha ta sinti su mes alivia, y ora e ta bin cu su pregunta hopi biaha nos ta yude pa e mes wak su posibilidadnan pa solucion.

Telefon pa Hubentud ta mantene contacto cu e instancianan concerni pa asina hoben of mucha cu yama por acudi mas pronto posible na e instancia. Nos ta bisa e hoben e mucha na cual instancia nan por bay", Madeline a comenta.

PROBLEMANAN

MAS REMARCABLE:

Madeline a comenta cu e problemanan cu nos hoben y mucha ta trece dilanti ta varia.

"Esaki ta encera problema na cas, tentamento, soledad, y basicamente tur problema cu bo ta confronta den edad di mucha y adolescencia, pero ta destaca hopi e problemanan di enamoramento y sexualidad", el a comenta.

TUR COS TA CONFIDENCIAL:

Un biaha mas ta bon pa remarca cu e hoben y mucha nos mester duna nan nomber ora nan yama Telefon pa Hubentud, esta 131. "Su identidad ta completamente anonimo, ya cu locual ta mas importante ta cu nos ta duna e hoben of e mucha, e sosten necesario ora e ta tuma iniciativa di yama. Nos mes no ta tuma contacto cu e hoben, ni cu ningun instancia.

E nomber di e boluntario tampoco nan no ta conoce. Nan tur tin un nomber ficticio pa garantiza nan seguridad como trahador tambe y di e hoben of e mucha", Madeline a señala.

HORARIO PA YAMA "131"

Horario pa yama Telefon pa Hubentud ta di 2 pa 6'or di

atardi, tur dia, durante e 365 dianan di aña.

"Pesey tambe e necesidad di mas boluntario tey. Mayoria di nan tin un trabao caba, y ta dedica nan tempo liber, sea dos of tres bez pa siman dos ora, depende ki horario laboral nan tin.

Enberdad nos ta buscando hende cu tin tempo traimerdia pa traha. E parti di 2'or pa 4.30'or di atardi te ainda ta keda un oranan di mas dificil pa haya boluntario, y net e periodo aki ta esun cu muchanan mas ta yama", Madeline a expresa.

E SATISFACCION:

Trabao di boluntario ta enriquece bo bida personal. Bo pensamiento ta bira mas amplio, y ta enriquece bo den bo trabao, den bo relacion pa cu bo yiunan y den famia y tambe den bo comunicacion cu otro hendenan rond di bo.

Si bo ta interesa na bira boluntario, tuma contacto cu Madeline of Maria van der Biezen na telefon 886138.

ORANJESTAD (AAN) -- Señora Madeline Doulabi-Ridderstap, director di Fundacion Telefon pa Hubentud, tabata di bishita na DIARIO ayera atardi.

Durante e bishita señora Doulabi a elabora riba e trabao di e fundacion, y a referi na e curso cu lo tin sea na maart of april venidero pa recluta mas boluntario.

Señora Doulabi ta ocupando e cargo di director desde dia 22 di februari ultimo. Manera ta conoci el a traha den Cuerpo Policial durante 13 aña, di cual dos tabata na KZP.

Despues el a bay Hulanda pa sigui estudio di Trabao Social, y ora el a bolbe Aruba el a desempeña e funcion di Trahador Social durante dos aña mas na KZP.

Tocante su posicion actual señora Doulabi a splica:

"Mi funcion principal ta pa duna guia na e boluntarionan y tambe pa promove e trabao pafo, dunando guia y entrenamiento pa recluta boluntarionan. Ademas mi ta encarga cu tur cos cu tin di haber cu maneho di e fundacion".

UN FUNDACION

HOBEN PERO SOLIDO:

Fundacion Telefon Pa Hubentud ta un fundacion hopi hoben, cu aworaki tin un aña y tres luna di existencia. Pero huzgando pa e cantidad di yamada ricibi den e transcurso aki, e tin su derecho di existencia bon garantiza.

"Mi ta kere cu e bestuur, e boluntarionan y e Bureau Medewerker señora Maria van der Biezen a traha si, pa e fundacion bira un di e pilarnan riba tereno di vudanza na hoben y